

ISHLASH ISTAGIDAGI XOTIN-QIZLAR BANDLIGI TAʼMINLANMOQDA

Bugun 616 ta xonadonga esa mahallaning drayveri issiqxonachilik boʻlib, 90 foizdan ziyod xonadonlar egalari aynan shu yoʻnalish orqali daromad topadi. Oʻtgan yili mahalladagi issiqxonalarda yetishtirilgan 30 ming tonna qishloq xoʻjaligi mahsulotlari eksportga chiqarilgani, ayniqsa, eʼtiborga molik.

“Mahalla yetilligi” bilan kechgan suhbat asnosida kambagʻallikni qisqartirish, buning uchun oilaviy tadbirkorlik, tomorqachilik va xizmat koʻrsatish sohalarini rivojlantirish, ayniqsa, xotin-qizlar orasida qoʻshimcha kasblarga oʻqitish hamda ish bilan taʼminlash orqali norasmiy bandlik ulushini kamaytirish masalalariga eʼtibor qaratildi. Ayni chogʻda “mahalla yetilligi”ning oʻzaro hamkorligi va masalalarni birgalikda hal etish yuzasidan tavsiyalar berildi.

Xususan, Senat Raisi nafaqat ishga ehtiyoji bor xotin-qizlar, balki iqtisodiy ahvoli yaxshi, lekin ishlash istagida boʻlgan ayollarning ham bandligini taʼminlash kerakligini aytib oʻtdi. Bu borada masalaga har bir mahallaning oʻziga xosligi va drayver sohalaridan kelib chiqib yondashish ayni muddaodir.

Shu yerning oʻzida xatlov jarayonida aniqlangan ehtiyojmand ayollar bilan muloqot oʻtkazildi. Ayni paytda xotin-qizlarni qoʻllab-quvvatlash maqsadida ularga yaratilayotgan sharoitlar, taʼlim olishi, tadbirkorlik faoliyatini yoʻlga qoʻyishi uchun berilayotgan imtiyozlar haqida batafsil tushuntirish berildi. Tikuvchilik hunari boʻlgan 9 nafar ayolga oʻzini oʻzi ish bilan band qilib, oilasiga qoʻshimcha daromad keltirish

imkoniyatini yaratish maqsadida tikuv mashinalari taqdim etildi.

Shundan soʻng mahalladagi tomorqachilik tufayli yaxshigina daromad koʻrayotgan aholi xonadonlariga tashrif buyurildi.

Jumladan, Nasibaxon Tursunova tomorqasining 10 sotix maydonida issiqxona tashkil etib, birinchi mavsumda bodring, ikkinchi mavsumda esa pomidor yetishtirib, 140 million soʻm daromad koʻrmogʻda.

Mahalladagi boshqa bir xonadon sohibasi Mahbuba Xoliqulova 25 sotix issiqxonada koʻchatchilikni yoʻlga qoʻygan boʻlib, bu yil oʻrtacha 500 million soʻm daromad koʻrishni reja qilgan.


Xonadon egalari bilan suhbat chogʻida mahallada tomorqasidan yetarli foydalana olmayotgan oilalarga ham dastlabki bosqichda tomorqachilik sir-asrorlarini oʻrgatish, ilgʻor tajribalarni ommalashtirish yuzasidan takliflar berildi.

Tumanning “Obihayot” MFY aholisi, asosan, oʻz xonadonlarida oilaviy korxona tashkil etib, intensiv usulda baliq yetishtirish bilan shugʻullanib kelmogʻda. Senat Raisi mahalladagi “Arnasoy choʻrtani” va “Kushfar fish” oilaviy korxonalarini tashkil etgan xonadonlarda ham boʻldi.

Eʼtirof etilganidek, ushbu xonadonlar egalari baliqni uvildiriq holatidan aholi dasturxoniga yetib borgungacha boʻlgan jarayonlarni qamrab olgan. Ular bilan boʻlgan suhbat jarayonida faoliyatini kengaytirishlari va qoʻshimcha ish oʻrinlari yaratishi uchun imtiyozli bank kreditlari ajratiladigan boʻldi.

“Xalq soʻzi”.

Xususiy mulk va mulkdorlar huquqlari kafolatlanadi



Qonunda xususiy mulkka boʻlgan huquqlar daxlsizligi, tadbirkorlik subyektlari manfaatlari ishonchli himoya qilinishini taʼminlash nazarda tutilmogʻda. Unda hech kim sud qarorisiz, qonunga zid tarzda uy-joyidan mahrum etilishi mumkin emasligi, uy-joyidan mahrum boʻlgan mulkdorga uning qiymati, u koʻrgan zararning oʻrni

qonunda nazarda tutilgan hollar va tartibda oldindan hamda teng qiymatda qoplanishi taʼminlanishi belgilanmogʻda.

Qonun xususiy mulk va mulkdorlar huquqlarining himoya qilinishi kafolatlarini kuchaytirishga hamda tadbirkorlik faoliyatini erkin amalga oshirish uchun qoʻshimcha kafolatlar va shart-sharoit yaratishga xizmat qiladi.

Shundan soʻng “Oʻzbekiston Respublikasi Raqobatni rivojlantirish va isteʼmolchilar huquqlarini himoya qilish qoʻmitasining faoliyati yanada takomillashtirilishi munosabati bilan Oʻzbekiston Respublikasining ayrim qonun hujjatlariga oʻzgartirishlar va qoʻshimcha kiritish toʻgʻrisida”gi qonun senatorlar

toʻmonidan qizgʻin muhokama qilindi.

Ushbu qonun bilan “Normativ-huquqiy hujjatlar toʻgʻrisida”gi hamda “Raqobat toʻgʻrisida”gi qonunlarga oʻzgartirish va qoʻshimchalar kiritilayotir.

Xususan, davlat yordami berilishini nazarda tutuvchi normativ-huquqiy hujjatlar loyihalari Raqobatni rivojlantirish

va isteʼmolchilar huquqlarini himoya qilish qoʻmitasi bilan tegishli tartibda kelishish zarurligi “Normativ-huquqiy hujjatlar toʻgʻrisida”gi Qonunda aks ettirilmogʻda.

Shuningdek, mazkur qonun bilan raqobat toʻgʻrisidagi qonunchilikni buzganlik uchun moliyaviy sanksiyalar qoʻllashda ham xoʻjalik yurituvchi subyektlarga nisbatan yengillik berilyapti.

Muhokama yakunida koʻrilgan masalalar yuzasidan Senat qoʻmitasining tegishli qarorlari qabul qilindi.

“Xalq soʻzi”.

TADBIRKORLIK FAOLIYATIGA ASOSSIZ ARALASHUVLARGA YOʻL QOʻYILGAN

Oliy Majlis Senatining Budjet va iqtisodiy islohotlar masalalari qoʻmitasi boshchiligidagi ishchi guruh Samarqand viloyati mahallalarida tadbirkorlikni rivojlantirish va yangi ish oʻrinlarini yaratish borasidagi ishlar holatini oʻrgandi.

Oʻrganish

Oʻrganish va tahlillar natijasida viloyatda yalpi hududiy mahsulot hajmi 74,1 trln. soʻmga, sanoat — 11,2 trln., qishloq xoʻjaligi — 28,7 trln., xizmatlar koʻrsatish — 28,5 trln., qurilish ishlari 4,2 trln. soʻmga oʻsgani, aholi jon boshiga YAHM hajmi 17,8 mln. soʻmga yetgani maʼlum boʻldi. Viloyatda faoliyat koʻrsatayotgan tadbirkorlik subyektlari soni 2024-yil 1-yanvar holatiga koʻra qariyb 100 mingtani tashkil etgan.

Hokim yordamchilari bilan birgalikda qariyb 425 ming kishi bandligi taʼminlangan. Hokim yordamchilari tavsiyasi asosida 28 ming nafardan ziyod fuqarolar kasb-hunarga oʻqitilgan.

“Onlayn mahalla” platformasida 5 441 ta mikroloyiha ishga tushirilishi natijasida

1 270 mlrd. soʻm mablagʻ oʻzlashtirilib, 23 ming 507 nafar ishsiz fuqaroning bandligi taʼminlangan.

Ishsiz, kam taʼminlangan va kambagʻal oila aʼzolari boʻlgan qishloq aholisini qoʻllab-quvvatlash, tadbirkorlik va oʻzini oʻzi band qilish faoliyatini boshlashiga koʻmaklashish maqsadida Aholini tadbirkorlikka jalb qilish jamgʻarmasi mablagʻlari hisobidan 2023-yilda 6 ming 695 nafar fuqaroga 30,1 mlrd. soʻmlik subsidiya mablagʻlari ajratilgan.

Oilaviy tadbirkorlik dasturlari doirasida 2023-yilda 51,2 mingdan ortiq jismoniy va yuridik shaxslarga 902 mlrd. soʻm miqdorida imtiyozli kreditlar berilgan.

Oʻrganish jarayonlarida amalga oshirilgan ijobiy ishlar bilan birga qator kamchilik va muammolar mavjudligi ham aniqlandi. Masalan, 2024-yilning 1-yanvar

holatiga koʻra tadbirkorlik subyektlari soni 2023-yildagiga nisbatan 10,5 mingtaga kamaygan, 3 497 ta tadbirkorlik subyekti iqtisodiy qiyinchiliklar sababli oʻz faoliyatini toʻxtatgan.

Prezidentimizning 2021-yil 24-dekabrda qaratilgan 2022-yil 18-martdagi qarorlarida “Onlayn mahalla” elektron platformasini tegishli vazirlik va idoralar maʼlumotlar bazalari bilan integratsiya qilishni taʼminlash belgilangan boʻlsa-da, ushbu tizimning “tizim.davaktiv.uz”, “Ye-ijara” hamda “K-SAVDO” avtomatlashgan axborot tizimlari bilan integratsiyasi uddalanmagan. Bu esa mahallalardagi hokim yordamchilari tomonidan aniqlangan boʻsh yer maydonlarini auktsion savdolariga chiqarish ishlariga salbiy taʼsir koʻrsatgan.

Viloyatda tadbirkorlikni tashkil etish va yangi ish oʻrinlarini yaratish boʻyicha mavjud imkoniyatlardan toʻliq foydalanilmagan. Shuningdek, nazorat qiluvchi organlar tomonidan tadbirkorlik faoliyatiga asossiz aralashuv va erkin

raqobat muhitini buzish holatlariga yoʻl qoʻyilgan.

Jumladan, viloyatdagi nazorat organlari tomonidan oʻtkazilgan tekshirishlarda 2 266 ta qonunbuzilish holati aniqlangan, shundan 4 tasida noqonuniy tekshirish va 2 262 tasida tekshirish oʻtkazish tartibini buzish holatlariga yoʻl qoʻyilgan.

Viloyatda tadbirkorlar murojaatlarini oʻz vaqtida koʻrib chiqishda ham kamchiliklar mavjud.

Xususan, “Tadbirkor virtual ofisi” axborot portali orqali kelib tushgan murojaatlarni koʻrib chiqish tartibi va muddati ustidan nazorat oʻrnatilgan boʻlishiga qaramay, murojaatlarning 205 tasida koʻrib chiqish muddatlari buzilgan.

Shulardan kelib chiqib, ishchi guruh tomonidan hududda tadbirkorlikni rivojlantirish va investitsiyalarni jalb qilish borasidagi muammo va kamchiliklarni bartaraf etish yuzasidan tegishli taklif va tavsiyalar ishlab chiqildi. Va ular boʻyicha mutasaddirlarga koʻrsatmalar berildi.

“Xalq soʻzi”.

AHOLI MANFAATLARIGA XIZMAT QILADIGAN MUHIM HUJJAT

Mazkur qonunda koʻchmas mulklarga nisbatan huquqlar eʼtirof etilishi belgilandi. Unga koʻra 2018-yil 1-may kuniga qadar fuqarolar yakka tartibdagi uy-joy qurgan holda oʻzboshimchalik bilan egallagan yer uchastkasi hamda unda qurilgan bino va inshootlarga nisbatan mulkiy huquqlar eʼtirof etiladi. Ushbu vaqtga qadar fuqarolar va tashkilotlar tomonidan hujjatda koʻrsatilgan maydondan ortiqcha egallangan yer uchastkasi hamda unda qurilgan bino va inshootlarga esa koʻchmas mulkka nisbatan huquqlar beriladi.

Eʼtiborli tomoni, qonun bilan “bir martalik aksiya” doirasida huquqlarni eʼtirof etish oxiriga yetmagan yer uchastkasi hamda unda qurilgan bino va inshootlarga (126 mingdan ortiq) — koʻchmas mulklarga nisbatan egalik huquqi ham berilmogʻda.

Aytish kerakki, qonunda aks etgan koʻplab yangiliklar OʻZDXP saylovoldi dasturi va gʻoyalarga ham uygʻun va hamohangdir.

Hujjat bilan bir martalik umumdavlat aksiyasi doirasida bir martalik yigʻimni toʻliq toʻlagan hamda I va II guruh nogironligi boʻlgan shaxslar ozod etilayotgani eʼtiborga molik. Shuningdek, “Ijtimoiy himoya yagona reestri” axborot tizimiga kiritilgan shaxslardan bir martalik toʻlov qonunning 23-moddasi birinchi qismida belgilangan toʻlovning 50 foizi miqdorida undiriladi. Bu qoidalar partiyamiz elektorati manfaatlariga toʻla mos.

Davlat idoralari fuqarolarga xizmat qiladi

Nuriddin SULTONOV,
Oliy Majlis Qonunchilik palatasi deputati:

— Darhaqiqat, qonunda bir qator yangiliklar oʻz aksini topgan. Xususan, unda yakka tartibdagi uy-joy qurilgan yer uchastkasiga boʻlgan ijara huquqi 1998-yil 1-iyulga qadar egallangan boʻlsa, barcha hududda 0,24 gektardan, 1998-yil 1-iyuldan 2018-yil 1-mayga qadar egallangan boʻlsa, Toshkent, Nukus shaharlarida va viloyat markazlarida 0,06 gektardan, qolgan hududlarda 0,12 gektardan oshmaydigan hajmda belgilangan.

Yakka tartibdagi uy-joy egallagan yer uchastkasining amaldagi maydoni yuqorida keltirilgan hajmlardan ortiqcha boʻlsa, yer uchastkasining ortiqcha egallangan qismiga tomorqa yoki dehqon xoʻjaligini yuritish uchun ijara huquqi eʼtirof etilishi ham muhim yangiliklardan biri boʻldi.

Qonunga asosan hududlarda oʻzboshimchalik bilan egallab olingan yer uchastkalarini hamda ularda qurilgan binolar va inshootlarni bosqichma-bosqich

xatlovdan oʻtkazish har yilgi reja-jadval asosida amalga oshiriladi. Reja-jadval Qoraqalpogʻiston Respublikasi Vazirlar Kengashi, viloyatlar va Toshkent shahar hokimlarining taklifiga koʻra Kadastr agentligi tomonidan tasdiqlanadi va jamoatchilikka eʼlon qilinadi.

Ushbu tizim asosida xatlov natijasida ijara va mulk huquqini eʼtirof etish masalasi koʻrib chiqiladigan yer uchastkasi, bino va inshootning elektron yigʻmajildi tayyorlanadi. Soʻngra avtomatlashtirilgan axborot tizimiga Kadastr agentligi tomonidan kiritilib, vakolatli tashkilotlar bilan kelishiladi. Barcha jarayonning avtomatlashtirilgan axborot tizimi orqali bajarilishi ortiqcha sarsongarchilikning oldini olishga xizmat qiladi.

Keyingi bosqichda esa vakolatli tashkilotlar tizim orqali kelgan elektron yigʻmajildni ikki oy davomida koʻrib chiqib, kerakli maʼlumot, hujjatlar va xulosa beradi. Elektron yigʻmajildidagi maʼlumotlar tegishli fuqarolar oʻzini oʻzi boshqarish organlari binolari eʼlonlar burchaklarida, Kadastr agentligi saytida hamda boshqa axborot manbalarida eʼlon qilinadi.

Manfaatdor jismoniy va yuridik shaxslar oʻzboshimchalik bilan egallab olingan yer uchastkasiga hamda unda qurilgan binolar va inshootlarga taalluqli maʼlumotlar va hujjatlar boʻyicha eʼtirozi mavjud boʻlsa, elektron yigʻmajildidagi maʼlumotlar jamoatchilikka eʼlon qilingan kundan eʼtiboran bir oy ichida ular boʻyicha vakolatli tashkilotlarga shikoyat qilishi mumkin.

Agar maʼlumotlar eʼlon qilingan kundan eʼtiboran bir oy ichida shikoyat kelib tushmasa, bir ish kuni ichida elektron yigʻmajild barcha vakolatli tashkilotlar tomonidan toʻliq kiritilgan (biriktirilgan) maʼlumotlar va hujjatlar bilan birga avtomatlashtirilgan axborot tizimi orqali avtomatik tarzda Adliya vazirligining tegishli hududiy organlariga koʻrib chiqish uchun yuboriladi.

Shundan soʻng vazirlikning tegishli hududiy organlari tomonidan elektron yigʻmajild, maʼlumotlar va hujjatlar ikki oy ichida oʻrganilib, qonunda keltirilgan asoslariga binoan yer uchastkalariga hamda ularda qurilgan binolar va inshootlarga boʻlgan huquqlarni eʼtirof etish maqsadga muvofiq deb topilgan taqdirda, Kadastr agentligi tegishli shaxslarning mobil telefoni raqamiga belgilangan bir martalik toʻlovni yigirma ish kuni ichida toʻlash toʻgʻrisidagi SMS-xabarnomani tizim orqali avtomatik ravishda yuboradi.

Tegishli shaxslar tomonidan bir

martalik toʻlov toʻlangan taqdirda elektron yigʻmajild, maʼlumotlar va hujjatlar ijobiy xulosalar bilan birga Qoraqalpogʻiston Respublikasi Joʻqorgʻi Kengeshiga, xalq deputatlari viloyatlar va Toshkent shahar Kengashlariga navbatdagi sessiyada koʻrib chiqish uchun avtomatlashtirilgan axborot tizimi orqali avtomatik ravishda yuboriladi.

Mazkur maʼlumotlar va hujjatlar uch oy ichida Qoraqalpogʻiston Respublikasi Joʻqorgʻi Kengeshining, xalq deputatlari viloyatlar va Toshkent shahar Kengashlarining sessiyalarida muhokama qilinadi. Yer uchastkasiga boʻlgan ijara huquqini hamda unda qurilgan bino va inshootga boʻlgan mulk huquqini eʼtirof etish toʻgʻrisidagi qarorlar loyihalarini ishlab chiqish, kelishish, qabul qilish (chiqarish), roʻyxatga olish va eʼlon qilish mahalliy ijro etuvchi hokimiyat organlarining qarorlarini ishlab chiqish, kelishish va roʻyxatdan oʻtkazishning “E-qaror” yagona elektron tizimi orqali amalga oshiriladi.

Soliqdan qarzdorlik boʻlmasa, ijara huquqi eʼtirof etiladi

Odinaxon OTAXONOVA,
Oliy Majlis Qonunchilik palatasi deputati:

— Avvallari bir tadbirkor ish boshlasa, uning faoliyatiga aralashib, huda-behuda tekshiruv bilan toʻsiq qoʻyadiganlar koʻp boʻlardi. Mahsulot ishlab chiqarish, unga bozor topish, yangi ish oʻrni yaratish — bari katta mashaaqqat, bu yoqda tadbirkorga yordam berish oʻmiga, uning ishiga xalal qilish, albatta, rivojlanish yoʻlidagi muammo edi.

Soʻnggi yetti yil tadbirkor va ishbiarmonlar davri chinakam qoʻllab-quvvatlash davri boʻldi.

Ana shunday saʼy-harakatlar tufayli bugun minglab tadbirkorlar oʻz faoliyatini kengaytirib, yangi-yangi ish oʻrinlarini tashkil etmogʻda, ishlab chiqarish hajmini oshirmogʻda. Ammo bir paytlar otabobalaridan qolgan yer uchastkalariga bino va inshootlar qurib, tadbirkorlik faoliyati bilan shugʻullanib kelayotgan fuqarolarimizda “Agar men bu ishni qilsam yoki faoliyatimni kengaytirsam, bir kun kelib mol-mulkim buzilib ketsa”, degan hadik bor edi.


Yaqinda deputatlar tomonidan qabul qilingan qonun fuqarolarimizni oʻylantirayotgan masalalar yechimiga qaratilgan hujjat boʻldi.

Ushbu qonunning asosiy maqsadi ham oʻzboshimchalik bilan egallab olingan yer uchastkalariga hamda ularda qurilgan bino va inshootlarga boʻlgan huquqlarni eʼtirof etish bilan bogʻliq munosabatlarni tartibga solishdan iborat. Hujjat matnini sinchiklab oʻqir ekansiz, unda fuqarolarimizning xohish va istaklari, orzu va maqsadlari oʻz

aksini topganiga guvoh boʻlasiz.

Xususan, mazkur hujjat bilan yer uchastkasi va unda qurilgan imoratga boʻlgan huquqni, shuningdek, yakka tartibdagi uy-joy qurilgan oʻzboshimchalik bilan egallab olingan yer uchastkasiga ijara huquqini eʼtirof etishning aniq tartiblari belgilandi. Fuqarolar tomonidan ortiqcha egallangan yer uchastkasiga, bogʻdorchilik va uzumchilik shirkatlari hududidagi turarjoylar egallagan yer uchastkasiga ijara huquqini eʼtirof etishning huquqiy asoslari belgilab berildi.

Shu bois ushbu qonun xalqimiz, tadbirkorlarimiz va mulk egalari tomonidan mamnuniyat bilan qarshi olinmogʻda.



Sababi bunday yangiliklar tadbirkorlarimiz uzoq yillar kutgan tarixiy adolatni roʻyobga chiqaradi. Boshqacha aytganda, sohada yangi bosqichni, yangi imkoniyatlar eshigini ochib beradi. Bu orqali minglab oilalarga baraka kiradi, yuz minglab yangi ish oʻrinlari ochiladi, kambagʻallik darajasi qisqaradi.

Binobarin, kichik sanoat zonalarini hududiga joylashtirilgan tadbirkorlik subyektlarining ushbu kichik sanoat zonasi hududida oʻz mablagʻlari hisobidan qurilgan (bundan mavjud binoni qayta qurish, rekonstruksiya qilish mustasno) yashash uchun moʻljallanmagan binolar va inshootlar yoki ularning qismlari joylashgan yer uchastkasiga boʻlgan ijara huquqini eʼtirof etish uchun quyidagi shartlarning barchasiga rioya etilgani asos boʻladi.

Agar investitsiya majburiyatlari va boshqa ijtimoiy majburiyatlar toʻliq bajarilgan, mazkur yer uchastkasi boshqa jismoniy va yuridik shaxslarga ajratilmagan yoki elektron onlayn-auksionga

qoʻyilmagan boʻlsa, yer uchastkasidan foydalanish yuzasidan jismoniy va (yoki) yuridik shaxslar oʻrtasida nizo hamda mazkur yer uchastkasi uchun yer soligʻi boʻyicha, unda qurilgan binolar va inshootlar uchun esa mol-mulk soligʻi boʻyicha qarzdorlik mavjud boʻlmasa ijara huquqini eʼtirof etish mumkin boʻladi.

Eʼtiborli jihati, yer uchastkasiga boʻlgan ijara huquqi hamda unda qurilgan binolar va inshootlarga boʻlgan mulk huquqi xatlov jarayonida aniqlangan va avtomatlashtirilgan axborot tizimida mazkur yer uchastkasini oʻzboshimchalik bilan egallab olgan shaxs sifatida koʻrsatilgan fuqaro va yakka tartibdagi tadbirkor,

shuningdek, rezident boʻlgan yuridik shaxs nomiga eʼtirof etiladi.

Qonun ahamiyatini keng jamoatchilikka yetkazish zarur

Ravshan BEGMATOV,
Oliy Majlis Qonunchilik palatasi deputati:

— Haqiqatan ham, quyi palatada qabul qilingan oʻzboshimchalik bilan egallangan yer uchastkalari hamda ularda qurilgan bino va inshootlarga boʻlgan huquqlarni eʼtirof etishga qaratilgan qonun tom

maʼnoda, unikal hujjat boʻldi.

Mazkur hujjat bilan yer uchastkasi va mulkka boʻlgan huquqlarni eʼtirof etishning asosiy shartlari aniq belgilab qoʻyildi. Shu bilan birga, qonunda yerlarga nisbatan ijara va mulk huquqi eʼtirof qilinmaydigan holatlar ham aniq normalarda aks etdi.

“Xalq soʻzi”.

MARKAZIY OSIYO VA KO'RFUZ ARAB DAVLATLARI: ULKAN SALOHİYAT UYG'UNLIGI

Prezident Shavkat Mirziyoyev ushbu sammitda so'zga chiqib, ulkan iqtisodiy, tabiiy va intellektual resurslarga ega Ko'rfuz davlatlarining global barqarorlik va energetika xavfsizligini ta'minlashdagi o'rni alohida ta'kidlandi. Oliy darajadagi sammitning navbatdagi yig'ilishini O'zbekistonda o'tkazishni taklif etdi va bu taklif yakdillik bilan qo'llab-quvvatlandi.

Davlatimiz rahbari ijobiy tajribadan kelib chiqib, ikki marta o'rtasida tijorat, texnologiya va investitsiya, "yashil" iqtisodiyot, savdo va transport aloqalarini mustahkamlash, ekologiya hamda iqlim o'zgarishi, turizm, madaniyat va ta'lim kabi qator muhim yo'nalishlarda amaliy hamkorlikni kengaytirishni taklif qildi. Negaki, Ko'rfuzdagi arab davlatlarining bu borada juda katta salohiyati, boy tajribasi va ushbu yo'nalishlarda faol ishlayotgan nufuzli kompaniyalari bor. Bu borada ular ko'magidan foydalanish foydadan xoli bo'lmaydi. Ular orasida "ACWA Power", "Masdar", "Mubadala", "TACA", "Nebras Power" kabi yetakchi kompaniyalar bilan hamkorlikda yurtimizda umumiy quvvati 15 gigavattidan ortiq quyosh va shamol elektr stansiyalarini hamda energiya saqlash inshootlarini qurish kabi muhim loyihalar amalga oshirilayotganini alohida qayd etish joiz. Bu o'zaro manfaatli hamkorlikni rivojlantirishga quvvat beradigan birinchi yo'nalish. O'zbekiston aholini va tadbirkorlik subyektlarini qishin-yozin uzluksiz energiya bilan ta'minlashni, toza ekologik muqobil energiya manbalariga o'tishni maqsad qilgan ekan, Ko'rfuz arab davlatlari imkoniyatlaridan foydalanishni maqbul deb biladi.

Ikkinchi yo'nalish — transport-logistika. Biz raqobatbardosh mahsulotlarimiz bilan dunyoga chiqishni ustuvor vazifa deb bilamiz. Ko'rfuz mintaqasi transport-logistika yo'nalishini o'zaro bog'lash uchun yangi istiqbollar yaratadi, hududlararo savdoni rivojlantirish bilan birga yangi bozorlarga chiqish, transport yo'laklarini diversifikatsiya qilish imkoni paydo bo'ladi. Natijada nafaqat O'zbekiston, balki Markaziy Osiyo ham ulkan imkoniyatlar va hamkorlik makoni bo'lib, Sharq va G'arb, Shimol va Janubni bog'lovchi mintaqalararo bog'liqlikning ajralmas va muhim qismiga aylanadi. Boz ustiga, Ko'rfuz mamlakatlari Markaziy Osiyo mintaqasini O'rta Yer, Qizil va Arab dengizlari, Suwaysh kanali va Ko'rfuz bilan birlashtirgan holda, jahon bozorlariga chiqish yo'lida tranzit mamlakatlar rolini o'ynashi mumkin.

E'tiborlisi, Ko'rfuz mamlakatlari xuddi O'zbekiston va mintaqamiz davlatlari kabi mintaqaviy ziddiyatlarga aralashib qolmaslik yo'lini tanlagan va xavfsizlik muammolarini tartibga solishda iqtisodiy masalalarga muhim mavzu sifatida qaraydi. Xususan, Saudiya Arabistoni, BAA, O'mon, Kuvayt, Qatar yirik mintaqaviy geoiqtisodiy loyihalarni amalga oshirishdan manfaatdor. Shuning uchun bu davlatlar keyingi paytlarda Eronga nisbatan zid munosabatlardan voz kechib, hamkorlik yo'lini tutmoqda. Ayniqsa, Saudiya Arabistoni va Eronning Xitoy yordamida yarashib, diplomatik vakolatxonalarini qayta ochgani Yaqin Sharq va Ko'rfuz mintaqasida ijobiy savdo va investitsiya muhitini yaratdi.

Mavjud qiyinchiliklar sharoitida ham Ko'rfuzdagi arab davlatlari jadal rivojlanayotgan barqaror iqtisodiyotga ega mamlakatlar sanaladi. Bu — masalaning uchinchi jihati. Xususan, Saudiya Arabistoni yalpi ichki mahsulot darajasi bo'yicha jahonda 19, BAA 29-o'rinni egallaydi. Mazkur mintaqadagi davlatlar neft, gaz ishlab chiqarish va eksport qilish bo'yicha dunyoda yetakchi sanaladi, jahon energetika bozoriga katta ta'sir ko'rsatadi. O'z energetika resurslariga ega O'zbekiston buni hisobga oladi, albatta. Boz ustiga, Saudiya Arabistoni va BAA kompaniyalari muqobil energiya quvvatlarini qurish, "yashil" energetikaga o'tish bobida ilgari lab ketdi. Bugungi kunda har ikki mamlakatning yirik kompaniyalari O'zbekiston energetika bozoriga dadil kirib, mamlakatimizning turli hududlarida quyosh, shamol va qayta tiklanuvchi boshqa energiya inshootlarini qurmoqda.

Shuningdek, bu mamlakatlar jahon energetika bozorida narxlarini muvofiqlashtirish bo'yicha tajriba almashish borasida O'zbekiston Respublikasining salohiyatli hamkorlari hisoblanadi. Bundan tashqari, Ko'rfuzdagi arab davlatlari, bir tomondan o'zbek mahsulotlari, texnologiyalari va ayrim xomashyo turlari iste'molchilari bo'lsa, ikkinchi tomondan investitsiyalar manbai sifatida qiziqish uyg'otadi. Saudiya Arabistoni, Kuvayt, Qatar, BAA, Bahrayn dunyoning rivojlangan va rivojlanayotgan mamlakatlari uchun uzoq muddatli kapital manbaidir. Xususan, BAA investitsiya jamg'armasining mablag'lari 1 trln. AQSH dollaridan oshadi, Ko'rfuz mamlakatlarida umumiy investitsiya kapitali hajmi 3,2 trln. AQSH dollari tashkil etadi.



To'lg'in TESHABAYEV,
Toshkent davlat iqtisodiyot universiteti
rektori, professor.

Bundan tashqari, yetakchi arab davlatlari xorijiy investitsiyalarni jalb qilish bo'yicha katta tajribaga ega bo'lib, ular bu tajribani O'zbekiston bilan o'rtoqlashishi mumkin. Ko'rfuz mamlakatlarining xalqaro munosabatlarda tizimidagi ta'siri, xalqaro savdo va sanoatda ularning o'rni hamda ahamiyati, investitsiyaviy va texnologik imkoniyatlarini hisobga olib, O'zbekiston ular bilan o'zaro manfaatli iqtisodiy munosabatlarni yo'lga qo'yish va chuqurlashtirishdan manfaatdor. Bu ham mintaqaviy xavfsizlik muammolarini tartibga solish, ham milliy iqtisodiy taraqqiyotni yanada rag'batlantirishga ijobiy ta'sir ko'rsatadi.

Bizning tinchlik va barqarorlik, xavfsizlikni ta'minlashda umumiy intilishlarimiz bor. Shulardan biri — ayni paytgacha aloqalarimizni rivojlantirishga xalal berib kelgan Afg'onistonda uzoq muddatli tinchlikka erishish. O'zbekiston Afg'onistondagi tinchlik va barqarorlikdan eng manfaatdor mamlakat sifatida uning og'irini yengil qilishga, iqtisodiyotini oyoqqa turg'azishga, mintaqaviy loyihalarga jalb qilishga, infratuzilmalarini tiklashga yordam ko'rsatish uchun astoydil bel bog'lagan. Bu jarayonda nufuzli Ko'rfuz davlatlarining afg'on zaminini barqarorlashtirish jarayoniga jalb qilinishi ham muhim rol o'ynaydi. Bu zarur darajadagi davlatlararo ishonchga erishish va to'laqonli sheriklikni yo'lga qo'yish ishiga ham xizmat qiladi.

Ko'rfuz arab davlatlari hamkorlik kengashiga a'zo davlatlar bilan aloqalarini rivojlantirish yangi O'zbekiston tashqi siyosatining ustuvor yo'nalishlaridan biri ekanligini ta'kidlagan holda, tuzilma tarixi, maqsad va vazifalariga to'xtalmoq joiz.

Ma'lumki, Ko'rfuz arab davlatlari hamkorlik kengashi 1981-yil 25-mayda tashkil etilgan. Ushbu hudud uglevodorodlar yetkazib beruvchi yetakchi mintaq va nufuzli jahon moliya markazi hisoblanadi. Tashkilotning asosiy maqsadi siyosiy, savdo-iqtisodiy, sarmoyaviy, madaniy-gumanitar sohalaridagi hamkorlik va integratsiya jarayonlarini muvofiqlashtirish, ya'ni iqtisodiy va moliyaviy masalalar, ta'lim va madaniy, ijtimoiy va sog'liqni saqlash, ommaviy axborot vositalari va turizm, qonunchilik va boshqaruv muammolari kabi sohalarini tartibga solishdan iborat.

Kengash, shuningdek, sanoat, qishloq xo'jaligi va suv resurslarini muhofaza qilish sohalarida ilmiy va texnologik taraqqiyotni rag'batlantiradi. Tashkilot unga a'zo davlatlarning sohalar bo'yicha hamkorligini kengaytirish, dolzarb xalqaro va mintaqaviy muammolar yuzasidan umumiy pozitsiyalarni ishlab chiqishni o'z oldiga maqsad qilib qo'yg'an. Ko'rfuz o'zining alohida mavqeiga ko'ra uch qit'a o'rtasidagi eng yirik aloqa markazi hisoblanishi, boy resurslarning mavjudligi va dunyoning yirik suv havoalari bilan bog'liqligi uni dunyodagi eng muhim strategik mintaqalardan biriga aylantirgan. Bu suv yo'li mazkur hudud davlatlari uchun ichki va mintaqaviy maydonlarda ham juda muhim. Shunga ko'ra, bu davlatlar qo'shnichilik siyosatiga urg'u berib, ushbu suv hududi mintaqada xavfsizlik va barqarorlik kafolati hamda xalqlar o'rtasida tinchlik, do'stlik va hamkorlik timsoli bo'lishini va boshqalar Ko'rfuz atrofidagi mamlakatlar hududida tinchlik va xavfsizlik o'rnatilishini hurmat qilishlari lozimligini ta'kidlab keladi.

So'nggi o'n yilliklarda Ko'rfuz arab davlatlari hamkorlik kengashi mamlakatlari o'zlarining turli imkoniyatlaridan maksimal darajada foydalanish va tashqi dunyoga qaramlik holatini kamaytirishga harakat qilish orqali ro'y berayotgan o'zgarishlarga moslashish uchun katta salohiyatini namoyish etdi. Umuman, Yaqin Sharq va xususan, Ko'rfuz mintaqasi tobora strategik ahamiyatga ega bo'lib bormoqda. Mintaqa nafaqat tabiiy resurslarga, birinchi navbatda, energiyaga boy, balki dunyoning asosiy dengiz va quruqlik yo'llariga, shuningdek, Afrika va Yevropa bozorlariga chiqish yo'llari eshigidir.

Shu ma'noda, tashqi ishlar vazirlarining Toshkent uchrashuvi, tomonlarning bir-birining salohiyatini to'liq ro'yog'ga chiqarish yo'lidagi navbatdagi qadami bo'lib, jadal rivojlanayotgan ikki mintaqadagi davlatlari o'rtasidagi o'zaro tushunish, ishonchli muloqot va teng huquqli sheriklik platformasini yanada mustahkamlashga, o'zaro ko'p qirrali aloqalarini mutlaqo yangi bosqichga olib chiqishga xizmat qiladi, desak, ayni haqiqat.

IZCHIL ISLOHOTLAR VA KENG IMKONİYATLAR

Jizzax viloyatining barqaror taraqqiyotida muhim omil bo'lyapti



Darvoqe, Jizzaxda mashinasozlik sohasi tobora rivoj topib boryapti. Keyingi yillarda bu borada xorijiy investitsiyalarni jalb etish orqali keng ko'lami amaliy ishlar bajarildi. Birgina misol, "ADM Jizzax" qo'shma korxonasida "KIA", "Chery" brendlari ostida yengil avtomobillar ishlab chiqarish yo'lga qo'yilgani e'tiborga molik.

Umuman olganda, yuzlab amaliy tashabbuslar hayotga tatbiq etilyaptiki, bularning barchasi yurtimiz taraqqiyoti, xalqimiz turmush darajasini oshirish, davlatimiz rahbarining ta'бири bilan aytganda, odamlar roziligi uchun xizmat qilmoqda.

Muxbirimiz davlatimiz rahbarining bu galgi tashrifidan yangi kuch olgan, o'zaro muloqotda bo'lgan faollarning fikr-mulohazalari bilan qiziqdi.



Tomorqa — bitmas-tuganmas xazina

Quvondiq ABDURAZZOQOV,

“El-yurt hurmati” ordeni sohibi, mehnat faxriysi:

— Tashrifni har safar zo'r hayajon bilan kutaman. Sababi har gal Yurtboshimiz qaysiki hududga bormasin, albatta, o'sha joyda ijtimoiy-iqtisodiy, madaniy-ma'rifiy va umuman, barcha sohada katta o'zgarishlar, yangilanishlarni boshlab beradi. Odamlar ruhini ko'tarib, ularning yashash sharoitlarini yaxshilash uchun astoydil kuyinib, hayotiy takliflarni ilgari suradi. Navbatdagi tashrif ham bundan mustasno bo'lmadi.

Bilasizmi, davlatimiz rahbari viloyatimizdagi o'zgarishlarni alohida e'tirof etish bilan birga, og'riqli nuqtalarga ham to'xtalib o'tdi. Bu juda kerak. Kechagi uchrashuvdan so'ng hali ishga solinmagan imkoniyatlarimiz qanchalik ko'p ekanligini his qildim.

Mening asosiy faoliyatim qishloq xo'jaligi bilan bog'liq holda o'tgan. Shundan kelib chiqib aytishim mumkinki, qishloq xo'jaligi mahsulotlari yetishtirish hajmini yanada ko'paytirish imkoniyatlari bisyor.

Xususan, tomorqalardan unumli foydalanmayotganimiz bor gap.

Yurtboshimiz Sharof Rashidov tumanining Tuyuqli, Zarbdor tumanining Lalmikor mahallalarida bo'lib, tomorqa hamda dehqon xo'jaliklarida yangi zaxiralarni ishga solish, xaridorgir mahsulotlar turini ko'paytirish ham oila budjeti uchun, ham xalq farovonligi yo'lida koni foyda ekanligini alohida ta'kidladi. Qolaversa, tomorqa egalari shu yo'nalish bo'yicha bilimlarini oshirish juda muhim ekanini aytib, ushbu loyihalar ijrosida tomorqa egalari bilan banklar o'rtasida o'zaro hamkorlikni yo'lga qo'yish kutilgan natijani berishi mumkinligi haqida fikrlashdik.

Ishonamanki, Prezidentimizning viloyatimizga qilgan ushbu tashrfi tez orada yurtdoshlarimiz hayotida o'zining ijobiy ifodasini ko'rsatadi. Barchamiz bir mustakbil jipslashib, mamlakatimizda olib borilayotgan izchil va barqaror rivojlanishga qaratilgan muhim vazifalarni bajarishga hissamizni qo'shamiz.

TASHABBUSLARGA BOY, O'ZGARISHLARGA ZAMIN YARATGAN TASHRIF

Prezident Shavkat Mirziyoyevning Jizzax viloyatiga amalga oshirgan bu galgi tashrfi ham tashabbuslarga boyligi va yangi o'zgarishlarga zamin yaratishi bilan yanada ahamiyatli bo'ldi. Asosiysi, bu barcha jizzaxliklarga yangi kuch, ko'tarinki kayfiyat bag'ishladi.

Davlatimiz rahbarining hududda sanoatning yuqori texnologik tarmoqlari, muhim iqtisodiy loyihalar, mahallalarda aholi daromadlarini oshirish bo'yicha olib borilayotgan ishlar bilan tanishish barobarida iqtisodiyotni rivojlantirish, turmush farovonligini yuksaltirishga doir tashabbuslari, oddiy odamlar bilan o'tkazgan samimiy muloqotlari xalqimizning ko'nglidan joy oldi, ertasiga ishonchni oshirdi.

Qayd etilganidek, so'nggi yetti yilda viloyatda misli ko'rilgan o'zgarish va buniyodkorliklar amalga oshirildi. Bu davrda viloyatga 5 milliard dollar miqdordagi investitsiyalar jalb qilinib, 2,5 mingga yangi korxona ishga tushirildi. Bu orqali 45 mingga doimiy ish o'rni yaratildi.

Tadbirkorlar soni va ish ko'lami ortib borayotgani esa yanada quvonarlidir. Ayni paytda ular soni 20 mingga yetdi.

Qishloq xo'jaligida ham shunga mutanosib holda salmoqli yutuqlar qo'lga kiritilayotir. Ammo bu serunum yer va hosildor Jizzax tuprog'i uchun kamlik qiladi. Shunday ekan, dunyoqarashimizni o'zgartiradigan, yerdan oqilona foydalanadigan, yiliga ikki-uch marta hosil olishni o'ylaydigan zamon keldi.

Ayni masalaga e'tibor qaratilgan holda, tumanlarga 130 mlrd. so'm ajratish yuzasidan mutasaddilarga topshiriq berildi, bu yaqin istiqbolda yurtimizda arzonchilik, dasturxonlarimiz to'kin bo'lishiga va aholining ishsiz qatlami kamayishiga zamin yaratadi.

Ta'kidlanganidek, oldimizda avtomobilsozlikda kelgusi uch yilda sohaga 1 mlrd. dollar investitsiya jalb qilish, avtomobil ishlab chiqarish quvvatini 100 mingga oshirish, 10



mingta yangi ish o'rni yaratish vazifasi turibdi.

An'anaga muvofiq, yoshlar va ta'lim masalasi ham e'tibordan chetda qolmadi. Viloyatdagi mahallalar infratuzilmasini yanada yaxshilash, joylarda bog'cha va maktablar qurish, Jizzax shahridagi tibbiyot muassasalari va ko'priklarni ta'mirlash chora-tadbirlari yuzasidan mutasaddilarga aniq topshiriqlar berildi. Ilgari surilgan bunday tashabbuslardan ushbu sohalar vakillarining ko'ngli tog'day ko'tarildi.

Viloyatdagi mavjud mahallalar infratuzilmasini yaxshilash, biznesni qo'llab-quvvatlash hamda grantlar

ajratish uchun qo'shimcha 300 mlrd. so'm yo'naltirilishi belgilandi.

Shu bilan birga, qadimiy vohalardan sanalgan Jizzax zaminining turizm va ijtimoiy salohiyatini oshirish maqsadida 10 ta madaniy meros obyektida "turizm halqasi" yaratilishi, ularga "turizm mahallasi" maqomi berilishi belgilandi. Ayniqsa, "turizm halqasi" obyektlariga boradigan yo'llar tez orada ta'mirlanishi ayni muddao bo'ldi.

Umuman, maqsad aniq va shunga muvofiq dastur hamda rejalar belgilab olindi. Bu nafaqat biz, mas'ullar, balki shu zaminada istiqomat qilayotgan har bir yurtdoshimizdan yanada faol bo'lishni, Prezidentimiz ta'бири bilan aytganda, vatanparvar ekanligimizni o'z xizmatimiz va harakatimiz orqali isbotlashimiz talab etiladi. Demak, o'zini shu yurtning farzandi, deb bilgan har bir inson bu gaplardan xulosa chiqaradi, belni mahkam bog'lab ishga kirishadi.

Sanobar SUYAROVA,
Jizzax viloyati Maktabgacha
va maktab ta'limi boshqarmasi
boshlig'i, Oliy Majlis
Senati a'zosi.

Hasan FAYDOYEV olgan suratlari.

REKLAMA

“TRASTBANK”

“Trastbank” xususiy aksiyadorlik banki o'tgan yillar yakunlari bo'yicha bank aksiyadorlarining navbatdagi hamda navbatdan tashqari umumiy yig'ilishlari bayonnomaga qarorlariga ko'ra, bankning oddiy va imtiyozli aksiyalariga hisoblangan dividendlarni o'z vaqtida olmag'an aksiyadorlardan dividendlarni olish uchun zarur bo'lgan hujjatlarni (**jismoniy shaxslar uchun** — pasport yoki ID kartaning asl nusxasi, STIR nusxasi, bankda yoki boshqa tijorat banklarida hisobvara qochilganligi to'g'risida tasdiqnoma nusxasi, investitsiya vositachisi (depozitariy) tomonidan berilgan DEPO hisobvarag'idan ko'chirma, **yuridik shaxslar uchun** — jamiyat ustavi nusxasi, davlat ro'yxatidan o'tganligi to'g'risida guvohnoma nusxasi (litsenziya), investitsiya vositachisi (depozitariy) tomonidan berilgan DEPO hisobvarag'idan ko'chirma) taqdim qilgan holda,

Qo'shimcha ma'lumot olish uchun quyidagi manzilga, ya'ni “Trastbank” XAB bosh ofisiga murojaat qilishingiz mumkin: 100011, Toshkent shahri, Navoiy ko'chasi, 7-uy. Telefonlar: 1287, 78-140-00-88.

Bankning elektron pochta manzili: info@trustbank.uz Bankning rasmiy veb-sayti: www.trustbank.uz

Xizmatlar litsenziyalangan

XUSUSIY AKSIYADORLIK BANKI AKSIYADORLARI DIQQATIGA!

bankning bosh ofisiga yoki hududiy bank xizmatlari ofislariga murojaat etishingizni so'raydi.

Shu bilan birga, sizdan investitsiya vositachilari (depozitariyalar) ma'lumotlar bazasida o'zingizga tegishli yashash joyi to'g'risidagi (aniq ko'rsatilgan pochta indeksi, ko'cha nomi, uy raqami hamda tezkor bog'lanish imkonini beruvchi telefon raqami) ma'lumotlarni yangilashingizni so'raymiz.

O'zbekiston Respublikasining “Aksiyadorlik jamiyatlari va aksiyadorlarning huquqlarini himoya qilish to'g'risida”gi Qonuni 6-bob, 51-moddasiga asosan: “Egasi yoki egasining qonuniy huquqiy vorisi yoxud merosxo'ri tomonidan uch yil ichida talab qilib olinmagan dividend aksiyadorlarning umumiy yig'ilishi qaroriga binoan jamiyat ixtiyorida qoladi”.



Ey, umri aziz

Bu yilgi yomg'irning seryog'in kelgani, ayni paytda quyosh yurtimizdan o'z nurlarini ayamayotgani dehqonning peshonasi o'tib, dalasi baraka, cho'ntagi daromad ko'rishidan dalolat berayotir...

ONA TABIAT SAXOVATI

Bahor yomg'irlari — qut-baraka manbai

yuragi. Gupillab urib turadi. "Avesto"da ham yozilgan: "Daryolarning yaqinidagi yer, tuproq unumdor bo'ladi. Daryolar atrofidagi yerlar yaxshi yerlardir, unda bug'doy yaxshi hosil beradi".

Ko'ngilda shukronalik. Bahor yomg'irlari ko'ngildagidek. Daryoda suv boshqacha. Alloh baraka bermoqda. Samo nasibalar uzatylapti. Qir-adirlarda o'tu mayсалar yam-yashil. Nevaralarim yayrab, qaldirg'ochlarday uchib kelishdi: "Qirga chuchmoma tergani boramiz..." Jilmayib qo'yaman, bolaligim ko'nglimdan o'tadi. Chuchmomaning oppoq ildizi, o'-o', totlidan-totli. Unday ne'mat dunyoda yo'q. Shunday yillar bo'ldiki, qor yo'q, yomg'ir yog'madi. Qirlardagi qo'ylar tuproq yedi. Bu yil esa yomg'ir yog'yapti... yomg'ir.

Qo'limda "Navro'znoma", "Solnoma" kitoblari. Hakim Termiziy hazratlari bitganlar. Bir oydirki, shu kitobni qo'ldan qo'ymayman. Sirlar olami, deysiz. Shuncha ilmi qanday bilishgan? Aql bovar qilmaydi. Kichik kitob, ammo poyonsiz ma'no gavharlari. 11-betdan iqtibos: "Agar Navro'zi olam payshanba kuni doxil bo'lsa... Mushtariy (Yupiter)ga taalluqli bo'lgay. Ul yil ba'zi joylarda ne'matlar ko'p bo'lib va ba'zi joylarda oz bo'lgay. Yomg'irlar o'z vaqtida yog'gay, qor-yomg'ir ko'p bo'lgay. Podshohlar hollari yaxshi bo'lgay va hamma hunarpesha (hunamand)lar kasblaridan xursand bo'lgaylar..." Qo'yl qolasiz. Buyuk bobomiz ming yil oldinni ko'rib turganday. Hayronu lo qoldirgani mevalar ba'zi yerlarda mo'l tuydi, ayrim yerlarda kam, erta gullagan bog'larni sal sovuq urdi. Ulug' ajdodlarimizning ilmu fikrlari hayotiy, xayoliy dunyolari cheksiz bo'lgan! Biz ham ko'p o'qishimiz kerak.

Baraka yog'ayotganida hamma xursand. Hatto zaminu osmon, daryoyu dengiz... Ayniqsa, dehqon shodligini hech bir o'chov bilan o'chay olmay-siz. Ming tonnalik tarozilar ham ko'tarolmay "taqir-tuqur" bo'lib qoladi. Yomg'ir yog'masa, dehqon yig'laydi. Bu yig'ini ko'zingiz bilan ko'rmay-siz. Dehqonning ekini — g'allasimi, paxtasimi, daraxtlarimi suvsiz qolsa, gul to'kib, sarg'ayib, qovjiray-versa... yuragi chiday olmaydi, ko'ngli kuyadi, tikilib-tikilib, ich-ichidan

to'kiladi. Tonggacha uxlay olmaydi. Ojiz qoladi. Yuragi "dod" deydi. Hech kim eshitmaydi: suv yo'q... suv yo'q... Shukrki, bu ham suv mo'l bo'ladi. Yomg'ir bizga ana shundan darak beryapti.

Hikmatulla aka fermer. Dehqonlarning dehqoni. Nega deysizmi?! Toshqin daryoni ko'rsa, o'zi toshqin daryoga aylanadi. Yomg'ir yog'ayotganda osmonlanadi, jahonlanadi. Hatto gurungida daryoyi toshqinliklar. So'z boshladimi, to'xtatolmay-siz. Fikrlari Hamalning yomg'iriday...

— Hikmatulla aka, fermer ekansiz...
— Ha, fermerman.
— Paxta ekasizmi, bug'doymi?
— Asosan, steviya...
— Steviya?
— Nega hayron qolasiz? Steviya ekamiz.
— U nima? Hech eshitmaganman.
— Nima ko'raydi. Chunki odamlar paxta bilan

g'allani biladi. Bir paytlar, mubolag'a desangiz ham aytay, uyning oldigacha paxta edi. Bugun hayot o'zgardi. Tutumlarimiz ham. Prezidentimiz tashabbusi — steviya ekyapmiz. Zo'r o'simlik, dorivor. Undan shifobaxsh malham tayyorlanadi. Qimmatbaho, juda noyob. Tibbiyot uchun juda muhim...

— Suvga qanday? Suvsizlikka chidamlimi?
— Suvni yaxshi ko'radi. Yomg'ir har nechuk yaxshi yog'yapti. Men uchun bayram. Suvsiz qolgan paytlar... Eslatmang... Yomg'ir payti goho dalada bo'laman. O'zimni panaga olmayman. Yomg'ir — mo'jiza. O'ylab qarang, hayotning yog'ishi u. Hayotning kelishi... Oddiy qilib aytayinni, yomg'ir, quyosh, tuproq, dehqon... yuraklari bir-biriga tutash. Ular bir butun. Baraka, birlilik!

— Yomg'irni yaxshi ko'rasizmi, deymen?
— Yaxshi ko'raman. Ayniqsa, yomg'irdan keyin, goho yomg'ir yog'ayotganda kamalak ko'rinadi. Tikilib qolasiz. Yetti rangda... boshqacha narsa. Yer bilan osmonning o'rtasida. Ranglari xayoligizni olib ketadi.
— Hikmatulla aka... hayron qoldiryapsiz...
— Nega?
— Gaplaringiz fermerning gaplariga o'xshamaydi. Qandaydir o'zgacha. Yo otangiz baxshi o'tganmi?

— Men kitobni yaxshi ko'raman. She'rni sevaman.
— Nahotki, fermer bo'lsangiz ham-a?

— Nima dehqon kitobdan uzoq tug'ilganmi? Kitoblari — mening hayotim. She'r o'qib maza qilaman. Zo'r she'rlarni to'plab yuraman. Ba'zilar fermer bo'lsang, she'r senga nimaga kerak, deyishadi. Tushunmaydi ular. Odam nima uchun odam, ko'ngli bor bo'lsa, odam. O'sha kuni yomg'ir... martning oxirida, daladaman. Yog'yapti. O'rik gullagan. Bodom daraxtlari barg chiqargan. Barglar shunday poklandi, yarqiradi. Bundan zo'r dunyo bormi? Rauf Parfining yomg'ir haqidagi she'rini shivirlab kalaverdim.

Eshiting-da... Professor Sa'dulla Tursunov bilan bir kitob chiqardik. Surxondaryo haqidagi she'rlarni berdik. Kitobda bunday she'rlar juda ko'p.

...Abdusalom hoji Normatov butun umrini suv bilan o'tkazaypti. O'zi qumqo'rg'onlik. Yomg'ir yog'aversa, qo'ylari egiz-sagiz tug'adi, go'yo. Sababi shundaki, yomg'ir serob yillari qo'ylarini Bobotog' tomonlarga keltiradi. Rustam cho'ponning suruviga qo'shadi. Cho'ponnisan cho'pon u. Mard desangiz, mard, halol desangiz, halol. Yaqinda Hoji aka Bobotog' etaklariga qo'ylarini olib bordi. Yomg'ir yog'ayotganidan o'ziga sig'madi. Cho'pon uchun esa yomg'ir yog'ishi osmondan oltin tanga yog'ayotganday gap. Bobotog' tog'lariyu qiru adirlarida siru asror ko'p. Lof gap emas bu. Dunyo keng. Lekin hamma joyda ham sur teri bo'lavermaydi. Sur teri olamda noyob. Lovullab yonib turadi. Aytishlaricha, yomg'ir yog'ayotganida tuproqdagi quyosh siri erib, so'rilib giyohlarga, o't-o'lanlarga o'tadi. Bunday yaylov qo'ylari oltin qo'zi tug'adi. O'zbekistonda bunday o'ziga xos yaylovlar barmoq bilan sanarli. Sur teri haqida gapirsangiz, qirg'kechayu qirg' kunduz ham kam. Sur qo'zi tug'ilisa, qorong'uda yarqirab, nur sochadi. Bu haqda olimlar qanchalab kitoblar yozishgan.

Hoji aka Bobotog' tomoniga bordiyu yomg'irning mo'jizasini ko'rdi:

— Bu yil Xudo yomg'irini beryapti. O'tning o'sganini... Qo'ylar suzib yuribdi. To'qilar to'q... to'yib qolgan. Yomg'ir to'xtab, quyosh chiqdi. Adirming betiga yonboshladim. Ana, Bobotog'. Osmonga

tegit turibdi. Adirlar, qirlar, soylardagi mayсалar shamolda suvday, dengizday to'liq'lanadi. Yashilikni... ko'zingiz to'ymaydi. Bu yilgi bahor boshqacha, odamni sehrlaydigan bahor. Havoni simirib o'ttiz yoshga yosharasiz. Ko'klamning seryog'in o'tishi bashorat qilinmoqda. O'tlar yana o'sadi. Xudo nurini to'kyapti. Baraka ko'paymoqda, baraka. Ko'kdan obirahmat yog'ilmoqda.

Bir yillari yomg'ir yog'madi. O't o'smadi. Qo'ylar qoq suyak bo'ldi. Mollar chala tug'di. Bu yilgi yomg'irni qarang-da. Sovliqlar semiz, qo'zilar dirkillagan. Toylar, otlar selday yeladi. Cho'ponlar belini besh joyidan boylaydi, ko'rasiz. Cho'pon boy, dehqon badavlat... elning boyligini bu. Yurtning dasturxonini nozu ne'matga to'lyapti. Allohga beadd shukr...

Hoji akaning so'zlari ko'nglimni yanada yorishirdi. O'zi o'ylab qarasangiz, sohir tabiat bag'ridamiz. Goho yomg'ir paytida osmon yig'layapti, deyishadi. Yo'q, osmon kuzda yig'laydi. Hozir avju bahor. Kapalakdan turnagacha, boychechakdan sargacha, qizg'aldoqdan qaldirg'ochgacha — bari ezigulik va go'zallik yuragida.

Bahor qaytmaydi. Bu gap to'g'ri, bahor bebaho va betakror. Vaqtning shamolida g'animat sinqat. Bahorda ko'ngil chog'lanadi, tug'lanadi, ruhlanadi. Hech qayerdan topmagan ruhiy qudratni topasiz, mo'jizaviy quvvatni his qilasiz. Bahorda bahorlaning! Lolalar alvonida tog'laning! Bahor asrorlarini xumori ko'zingizga bosingiz. Ariq chetida yalpizlar xushbo'ydan-da xushbo'ydir. Qizg'aldoqlar tongning olavrang shafag'iday.

Ko'klam — go'zal kelinchak. Yomg'irlar — sochalalardir, ona tabiat sochayotgan duru gavharlardir. Siz ham bahorga aylanib yayrang. Dili dunyoning marvaridu dur, olmosu gavharlarga to'ladi. Yomg'ir yog'yaptimi xazinai nasiba chashmalari, baxt buloqlari qaynayapti. Daryolar to'lib, baraka oqyapti.

Bahoroy, o'llanaver, sollanaver, bollanaver! Boshlarimizdan arpayu bug'doylar, bodomu pistalar, mayizu o'riklar — mo'l-ko'l rizqu nasibamiz, shodliklar, baxtu sevinchlar sochilaversin!

Mengnor O'LLOMUROD,
shoir.

“O‘zmiliybank” AJ:

ANIQ G‘OYA VA ILG‘OR TASHABBUSLARNI DOIM QO‘LLAB-QUVVATLAYMIZ

Mamlakatimizning iqtisodiy salohiyati yil sayin yuksalib, jahon hamjamiyatidagi nufuzi oshib bormoqda. Albatta, bunda bank muassasalari va ishbilarmonlar o'rtasida qulay infratuzilma, mavjud imkoniyat hamda ishonchli moliyaviy hamkorlikning yaxshi yo'lga qo'yilgani ham o'zining ijobiy samaralarini bermoqda. "O'zmiliybank" aksiyadorlik jamiyati misolida aytadigan bo'lsak, moliyaviy muassasa nafaqat mijozlarga sifatli bank xizmatlari ko'rsatish, shuningdek, kichik biznes va tadbirkorlikni rivojlantirishga ham munosib hissa qo'shmoqda. Servis tarmog'ini yuksaltirishda ishbilarmonlarga ishonchli moliyaviy hamkor sifatida bankning o'rni va roli oshib boryapti.

Moliya muassasalarida

Yaqinda bank matbuot xizmati tomonidan OAV vakillari uchun Namangan viloyatiga press-tur tashkil etilib, jurnalistlar so'nggi yillarda hududda xizmatlar sohasida ro'y berayotgan o'zgarishlar va istiqbolli loyihalar bilan yaqindan tanishishdi.

Xususiy tibbiy muassasa zamonaviy uskunalar bilan jihozlandi

Viloyat iqtisodiy ko'rsatkichlarida xizmatlar sohasining ulushi yildan-yilga oshib bormoqda. O'tgan 2023-yilda aholi jon boshiga ko'rsatilgan xizmatlar hajmi 5,8 million so'mni tashkil etgan bo'lsa, joriy yil yakuniga qadar mazkur ko'rsatkich 7,6 million so'mga yetkazilishi mo'ljallanmoqda.

Press-tur doirasida OAV xodimlari bankning Namangan viloyati misolida xizmatlar sohasini rivojlantirishdagi amaliy ko'magini bir qator tadbirkorlik subyektlari faoliyati misolida o'rgandi. Hozirgi vaqtda xizmat servis sohasining tibbiyot yo'nalishi xususiy sektor kesimida jadal rivojlanmoqda. Chortoq tumanidagi "Ash-shafi" tibbiy

diagnostika va davolash markazida ham bank ko'magidan unumli foydalanilyapti. Umumiy qiymati 8 milliard so'mlik ushbu salomatlik muassasasi bankdan olingan 1,5 milliard so'm kredit evaziga zamonaviy tibbiy uskunalar bilan jihozlandi. Markazda jamiyat tomonidan 30 ta yangi ish o'rni ochildi.

— Klinikamizda so'nggi standartlarga mos laboratoriyada murakkab tahlillar, bir qator jarrohlik amaliyotlari o'tkazilmoqda, — deydi klinika ish boshqaruvchisi Tohirjon Haydarov. — 200 o'ringa mo'ljallangan shifoxonamizda hamyurtlarimizga ambulator va stasionar sharoitda tibbiy xizmatlar ko'rsatib kelaymiz. Kelgusida aholi o'rtasida sog'lom turmush tarzini qaror toptirish, tuman iqlimidan kelib chiqib, sanatoriy sharoitida xizmatlarni ko'rsatish, xorijiy mutaxassislarni jalb etishni rejalashtirganimiz. Ushbu maqsadlarni amalga oshirishda bank bilan izchil hamkorligimizni davom ettirmoqchimiz.

Odamlarning uzog'i yaqin, mushkuli oson bo'lmoqda

Chortoq tumani Namangan viloyatining nisbatan aholi zich istiqomat qiladigan hududi

hisoblanadi. Shu nuqtayi nazardan aholiga arzon va sifatli transport xizmatini yo'lga qo'yishda mahalliy tadbirkorlarning sa'y-harakatlari tahsinga sazovor.

Tumanda faoliyat ko'rsatayotgan "Nurillo fayz savdo" mas'uliyati cheklangan jamiyati tomonidan umumiy qiymati 2,8 milliard so'mlik loyiha amalga oshirildi. "O'zmiliybank" aksiyadorlik jamiyatining 2 milliard so'mlik moliyaviy ko'magidan foydalanilgan holda Xitoydan "Foton" rusumli 14 ta mikroavtobus keltirildi. Chortoq — Baliqliko'l, Chortoq — Hazratisho yo'nalishlari bo'ylab xizmat ko'rsatish yo'lga qo'yildi.

Buning samarasida tuman markazidan 35 — 45 kilometr olisdagi odamlarning uzog'i yaqin, mushkuli oson bo'ldi. Korxona ta'sischi Abdumotil Mahkamovning aytishicha, kelgusida tuman markazidan olis manzilidagi yana bir hudud — Arbag'ish qishlog'iga ham yangi qatnov amalga oshirilishi rejalashtirilgan. Tadbirkor bu

mukammal o'rgatish, ularning dunyoga chiqishlarida, ozmi-ko'pmi, tayanch bo'lib, hissamizni qo'shishdan iborat. Buyuk Britaniya, Yaponiya, Janubiy Koreya, AQSH davlatlaridagi nufuzli universitetlar bilan hamkorlik o'rnatganimiz. So'nggi ikki yilda salmoqli yutuqlarga erishdik. Oxirgi o'quv yili yakunida tinglovchilarimizdan 130 nafari oliygohlarga qabul qilindi. Xalqaro darajada ingliz tilini bilishni baholash tizimi — "IELTS"da yuqori natijalarni qo'lga kiritgan o'nlab shogirdlarimiz bugungi kunda AQSH, Kanada, Janubiy Koreya, Singapur, Yaponiya kabi mamlakatlarning yetakchi oliy o'quv yurtlarida tahsil olmoqda.

Ma'lumki, Namangan viloyatining Namangan shahri so'nggi yillarda investorlarning bir maromda ishlashi uchun ko'plab imkoniyatlar amalga oshirilayotganligi hamda turistlar uchun sayohatpob hudud ekanligi bilan barchada qiziqish uyg'otmoqda. Bu esa o'z-o'zidan,



niyatlarini ro'yobga chiqarishda bank xizmatlaridan unumli foydalanish istagida albatta.

Ilmga tikilgan sarmoya taraqqiyotga xizmat qiladi

Press-turning navbatidagi manzil Chortoq tumanida faoliyat yuritadigan xususiy o'quv markazi bo'ldi. Tadbirkor Islomjon Karimov ta'sischiiligidagi tashkil etilgan "Stanford" nodavlat ta'lim muassasasi filialida bugungi kunda 300 nafarga yaqin o'quvchilar ingliz tili bo'yicha bilim olmoqda. Umumiy qiymati 1,8 milliard so'mni tashkil etgan mazkur loyihani amalga oshirish uchun "O'zmiliybank" AJ tomonidan 600 million so'm kredit ajratildi.

— O'quv markazimiz to'liq ishga tushgan, — deydi "Stanford" o'quv markazi filial rahbari Bekzod Turg'unov. — Bu yerda 15 nafar malakali pedagog-mutaxassis va boshqa yordamchi xodim ishlamoqda. Bizning ustuvor maqsadimiz o'sib kelayotgan yosh avlodga xorijiy tillarni

mazkur hududda mehmonxona va dam olish maskanlariga bo'lgan talab va ehtiyojni oshirmoqda.

Yangi Namangan tumanida faoliyat ko'rsatayotgan "Aksikent-hotel" ham aynan shu jihatlarini inobatga olgan holda zamonaviy tipdagi mehmonxona xizmatini yo'lga qo'ydi. Loyihaning umumiy qiymati 15,0 milliard so'mni tashkil etadi. Uni amalga oshirishda bankning 4,0 milliard so'mlik moliyaviy ko'magidan foydalanilgan. Mazkur muassasa Namangan viloyatidagi eng shinam va namunalni xizmat ko'rsatayotgan mehmonxonalardan biri bo'lib, 150 dan ortiq yotoq o'rinlariga, shinam oshxona, sport bilan shug'ullanish uchun maxsus zal, basseyn, majlislar zali va boshqa qulayliklarga ega.

Jamiyat mazkur xizmat orqali 20 nafardan ortiq yoshlarni ish bilan band etgan. Hozirda mehmonxona hududini yanada kengaytirish maqsadida qo'shimcha quvillish ishlari olib borilmoqda. Yangilanishlar 20 ta yangi ish o'rni ochilishiga xizmat qiladi.



Mijozlar uchun zamonaviy qulayliklar yaratilmoqda

Press-tur ishtirokchilari xizmat ko'rsatish tarmog'ida faoliyat ko'rsatayotgan tadbirkorlar bilan bo'lgan bevosita muloqotdan so'ng, "O'zmiliybank" A'ning Uychi bank xizmatlari markazida bo'lishdi. Ta'kidlash joiz, birgina Uychi BXMDa hududiy investitsiya dasturlari doirasida 2024-yil davomida bank mijozlari tomonidan umumiy qiymati 18,3 milliard so'mlik, shundan bank kreditlari 6,8 milliard so'm bo'lgan 5 ta loyihani amaliyotga joriy etish belgilab olingan.

Ushbu loyihalar ro'yobga chiqqach, 68 ta yangi ish o'rni ochilishi ko'zda tutilgan. Tarmoqlar bo'yicha ko'radigan bo'lsak, sanoat sohasida 12,5 milliard so'mlik 2 ta, xizmat ko'rsatishda qiymati 3,0 milliard so'mlik 1 ta, qishloq xo'jaligi sohasida esa 2,8 milliard so'mlik 2 ta loyiha doirasida faoliyat olib boriladi.

Uychi bank xizmatlari markazi 1998-yil yavvarda tashkil etilgan bo'lib, 24 nafar professional mutaxassis mijozlarga namunalni xizmatlarni taklif etib kelmoqda.

Markazda 46,7 ming mijozga xizmat ko'rsatiladi. Shundan 45,5 mingtasi jismoniy shaxs va 1,2 mingtasi yuridik shaxs hisoblanadi. Jismoniy shaxslarning depozit qo'yilmalari 1,2 milliard so'mni tashkil etadi. To'lov plastik kartochkalaridan foydalanishda qulayliklar yaratish maqsadida joylarda 2 ta bankomat, 251 ta savdo terminali dislokatsiya qilingan.

Mazkur bank xizmatlari markazlari tomonidan ajratilgan kreditlar hisobidan Uychi tumanida tadbirkorlik subyektlariga kredit mablag'lari ajratilishi natijasida 107 ta yangi ish o'rni paydo bo'ldi.

Bundan tashqari, aholiga valyuta amaliyotlarida qulayliklar yaratish maqsadida viloyat hududida bank xizmatlari markaziga tegishli 4 ta valyuta ayirboshlash shoxobchasi va 24/7 rejimda ishlovchi 2 ta bankomat xizmat ko'rsatmoqda. Bank xizmatlari markazida zamonaviy innovatsion xizmatlar ko'rsatilishiga alohida ahamiyat qaratilgan. Mijozlarning 70 foizi masofadan boshqariladigan xizmatlardan foydalanmoqda.

Bunda hisob raqamlarda bank aylanmalarini amalga oshirish, onlayn kredit rasmiylashtirish yoki kredit qarzdorligini qoplash, xalqaro va milliy plastik kartochkalarda har qanday bank amaliyotlari hamda to'lovlarni amalga oshirish, omonat rasmiylashtirish, xorijiy valyutalarda konversiya amaliyotlar, pul o'tkazmalari kabi bank xizmatlaridan masofadan foydalanish mumkin.

Bugun "O'zmiliybank" AJ nafaqat mijozlar uchun, balki mamlakatimiz iqtisodiyoti ravnaqi uchun ham o'zini mas'ul deb biladi. Assosiysi, bank yurtdoshlarimizning yangi tashabbus va ilg'or takliflarini har doim moliyaviy qo'llab-quvvatlaydi.

F. XUDOYBERDIYEV
("Xalq so'zi").

Xizmatlar litsenziyalangan.

Xalq so'zi
Narodnoe slovo

MUASSISLAR:
O'zbekiston Respublikasi Oliy Majlisi
Qonunchilik palatasi Kengashi
O'zbekiston Respublikasi Oliy Majlisi
Senati Kengashi

Bosh muharrir O'tkir RAHMAT

2020-yil 25-martda O'zbekiston Respublikasi Prezidenti Administratsiyasi huzuridagi Axborot va ommaviy kommunikatsiyalar agentligida 0001-raqam bilan ro'yxatga olingan. Nashr indeksi — 229. Buyurtma G-442. 14 540 nusxada bosildi. Hajmi — 2 taqob. Ofset usulida bosilgan. Qog'oz bichimi A-2. Bahosi kelishilgan narxda.

Gazetamiz haqidagi ma'lumotlarni yuklab olish uchun QR-kodni telefoningiz orqali skaner qiling.



TELEFONLAR:

Devonxona 71-259-74-51; kotibiyat 71-259-74-53;
e'lonlar 71-259-74-55.



"Sharq" nashriyot-matbaa aksiyadorlik kompaniyasi bosmaxonasi. Korxona manzili:
Buyuk Turon ko'chasi, 41. O'ZA yakuni — 23.00 Topshirildi — 00.20

1 2 3 4 5 6